

Ufficio Stampa della Provincia autonoma di Trento  
Piazza Dante 15, 38122 Trento  
Tel. 0461 494614 - Fax 0461 494615  
uff.stampa@provincia.tn.it

COMUNICATO n. 3414 del 03/11/2022

Traduzione in mòcheno

## **U'heiven van PNRN ver Palai en Bersntol, u'ganommen s oa'ne mitòrbet zbischn de Provinz ont de Gamoà'**

**U'ganommen va de Provinzal Junta s oa'ne mitòrbet kòrt as mòcht u'vongen sa envire trong der projekt zuazolt van PNRN as de kròft va de minderhait: bider mòchen lem s dorf as taitscha burzn hòt en Sud van Alpn, as zan mearestn kimp enteressiart Palai en Bersntol ober s tschbinnt en stitzung van gònze Bersntol. S ist an dokument bou as de Provinz ont de Gamoà' sai' gamiast za envire trong der zil vourtschbunnen oa'n zbischn der ònder.**

**Der kontratt gib s rècht en President va de Provinz za meing unterschraim de akt n van òrbetn ont gip en UMST zòmmregiar van lokaln dinstn, lòn ont pèrng politik, s gamiast za regiarn ont hèlven de Gamoà' va Palai en Bersntol ver za u'heiven der projekt.**

**“der projekt hòt enzint, abia as men boast, a toal òrbetn as belln mòchen verpersern vernaiern ont stitzn s birschòft ont s guat stea' van lem van lait turch òrbetn as sai' guat za leing zòmm der kultural ont umbèlt bèrt pet de naia teknologi ont naiekeitn ver za vongen u' za gem an ònders lem en lòn va Palai en Bersntol ont en gònze Bersntol. Pet de doi oa'ne kòrt ber barn gahasse u'heiven der PNRN turch de òrbetn as ber miasn organizziarn ont regiarn de Provinz ont de Gamoà' òll oa's pet de sai'na òrbetn. De Provinz bill aa u'stelln ver de zait van projekt, zboa lait ver za mithèlven” asou hòt er klòfft der president va de Provinz der Maurizio Fugatti.**

En oa'ne kòrt sai' tschrim derzua en sèll as ist gamiast za mòchen zòmm no en de prinzipln van PNRN, de sòchen as de zboa unterschraiber miasn sèlber mòchen, s sèll as hèlven barn de lait as u'stellt sai ver de projektn, s drauschaung as sèll kemmen rècht gamòcht, s gamiaste soch za tea' innschraim en de datnpònk REGIS va de General Ragionier van Stòtt ont zan leistn s schraim van gèltdatn.

Abia as men boast s gèlt gem pet en dekret van kultur Minister ist va 20milionen va euro, ver za u'heiven an programm va iber 30 òrbetn, de mearestn regiart va de Autonome Provinz va Trea't no en rècht za tea' s ver en Special Autonome Statut va de inger region, ont òndra òrbetn sèlber va de Gamoà' va Palai en Bersntol.

De Provinz, turch en oa'ne kòrt va hait verhoast za gem de gònze hilv as men bart prauchen as de techniker, bisschòft, organizzazion ont operativ sait ver za u'heiven ont mòchen der projekt pet en zuanemmen aa van strumentaln Dinstn ont va de Società in house. en glaiche vurm kemmen zuaganòmmen en projekt de Tsm ont Trentino Marketing ont a toal Dinstn (S.O.V.A., Paundinstn ont untermstizn van umbèlt, Dinst ver de beng ont van ponhoff, Dinst van zivilnòrbetn ont Dinst ver de umbèlt òrbetn va APOP, Dinst ver de u'stelltn, u'lear ont van sistemfunzionen) ont der hòntbèrk Dipartiment, hòndlbèrk, enviretrong, sport ont turismus. A bichtega figur ist gabiss der Bersntolerkulturinstitut ver de projektn as de sprochen ont kultur va de minderhait.

Ver sèll as keart s aunemmen va zboa techniker lait ver za stea' no en projekt, derzua en de hilf as bart gem de Provinz pet de sèlbern u'stelltn va de amministrazion, de dòn nain professionaln figurn barn kemmen praucht ver de òrbetn va progettazion, regiar va òrbetn, arkitektur dinstn ont va ingegniarn, collaudi ont ver de kommissionen ver za au'nemmen de bèrkn, geologichen ont sismiche suachen ont òrbetn ver arkeologesche suachen ont òndra techniker-operativ sochen ver an iatn projekt zuazolt van PNRR.

**Ibersetz gamòcht van Sprochtirl va de Tolgamoaschòft Hoa Valzegu' ont Bersntol**  
(Traduzione a cura dello Sportello linguistico della Comunità Alta Valsugana e Bersntol)

(cdt)